

REKNESKAP 2016/BUDSJETT 2017

Rekneskapen er no avslutta og revidert og dermed det endeleg som vert lagt fram til godkjenning på kretsårsmøtet den 21.03.17. Eventuelle posteringar som skulle vore med på rekneskapen for 2016 må heretter bli ført som krav/uteståande.

Rekneskapen pr. 08.09.02.17 viser driftsinntekter på 929.525 og driftsutgifter på 944.776. Det blir eit underskot for 2017 på 15.251. Korrigerert for finanspostar blir underskotet 14.921. Ein del inntekter som angår 2016 er utbetalt i 2017, men er likevel med i rekneskapen for 2016.

Balansen viser ein eigenkapital på 653.376 og gjeld på 106.615. Netto reservekapital er då 546.761. Korrigerert for årets underskot på 14.921 blir summen av gjeld og eigenkapital 561.682.

Tilsvarende tal for 2015 viser driftsunderskot på 29.775 og eigenkapital 591.456. Skilnaden på eigendelar og gjeld var i 2016 546.761 og i 2015 561.681. Reservekapitalen har dermed minka med 14.920 i løpet av 2016. Dette beløpet må og tas med når den økonomiske drifta i 2016 skal vurderast.

Drifta i 2015 gjekk med eit underskot på 29.775. Det vart derfor tatt grep i budsjettet for 2016 for å retta på dette. Budsjettet for 2016 viste eit overskot på 106.200. Dette var optimistisk, men ein rekna med at det i alle fall ville bli overskot i 2016. Tala viser at RFIK i 2016 har hatt eit overforbruk i forhold til budsjettet på ca. 121.000. Dersom ein tek hensyn til skilnaden reservekapitalen blir overforbruket 136.000

Dei største avvika mellom rekneskap og budsjett finn ein på postane Startkontingent Jentebølgen og Utgifter samlinger/tiltak. Men hovedgrunnen til underskotet er at inntektene har svikta med 150.000 og utgiftene har auka med 20.000. Det er altså inntektssida som er problemet.

Budsjettet for 2017 er sett opp på bakgrunn av rekneskapen for 2016. Inntektssida er styrka i forhold til rekneskapen 2016 på hovedsakeleg 3 punkt:

1. Startkontingent Jentebølgen er auka med 50.000
2. Kontingenten til klubbane er auka med 100.000
3. Sponsorinntektene auka med 25.000

Samtidig er driftsutgiftene auka med 10.000.

Det er ikkje noko mål for RFIK å ha stort overskot på drifta. Men fleire år med underskot vil tæra på reservekapitalen og begrensa handlingsrommet.

Erling Bleie